

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina

CANTON SARAJEVO
Cantonal Administration for Inspection Issues

Broj: 14-02-05-03874/19
Sarajevo, Novembar 20.2019. godine

22-11-2019	
Broj	Broj priloga
15	05 28145-186

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
n/r, predsjedavajućeg, Elmedina Konakovića

Predmet: *Odgovor na zastupničku inicijativu broj: 01-05-28145-76/19 od 26.07.2019. godine pokrenutu od strane zastupnika Vibora Handžića - dostavlja se;*

Kantonalna uprava za inspekcijske poslove Kantona Sarajevo, dana 01.08.2019. godine zaprimila je zastupničku inicijativu pokrenutu od strane zastupnika Vibora Handžića na Dvanaestoj radnoj sjednici Skupštine Kantona Sarajevo, održanoj dana 24.07.2019. godine u okviru tačke Dnevnog reda " Poslanička /zastupnička pitanja, inicijative i odgovori " a u skladu sa Poslovnikom Skupštine Kantona Sarajevo koja glasi

"Podnosim inicijativu za uklanjanje nelegalno deponovanog otpadnog materijala koji se nalazi na javnoj površini u Mjesnoj zajednici Buća Potok, ulica Nusreta Prohića do br. 20."

U vezi s pokrenutom inicijativom, dostavljamo slijedeći



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

ODGOVOR:

Po predmetnoj inicijativi kantonalni komunalni inspektori su već postupali i vršili inspekcijske nadzore inicirane prijavama građana.

Naime, kantonalni komunalni inspektor je zaprimio prijavu na navode iz inicijative dana 20.09.2018. godine, izvršio inspekcijski nadzor i tom prilikom sačinio zapisnik broj: UP-1-14-06/15-23.1-18397 od 15.10.2018. godine.

Prilikom vršenja inspekcijskog nadzora konstatovano je da otpad (koji se sastoji od starog namještaja, vrata, prozora, gajbi i špere) prikuplja osoba koja je u izuzetno teškom materijalnom stanju, te isti odlaže i prikuplja sa namjerom da se u zimskom periodu grije, odnosno deponovani otpad loži.

U cilju uklanjanja deponovanog otpada, inspektor je djelovao upravnom mjerom, Rješenjem o upozorenju broj: UP-1-14-06/15-23.1-18397/18 od 15.10.2018. godine, kojim se osoba koja vrši prikupljanje otpada upozorava da je prema odredbama člana 15. Zakona o komunalnoj čistoći ("Sl.novine Kantona Sarajevo" broj: 14/16, 43/16, 10/17, 18/17, 20/18 i 22/19) zabranjeno odlaganje otpada na javnu površinu.

Nakon što je ponovo zaprimljena prijava građana na iste okolnosti, inspektor je izvršio nadzor i naložio KJKP "RAD" doo Sarajevo, da ukloni otpad sa javne površine u navedenoj ulici, što je od strane navedenog preduzeća djelimično i učinjeno.

Postupajući inspektor je izdao prekršajni nalog i izrekao novčanu kaznu u iznosu od 100, 00 KM osobi inicijala P.S. koja vrši prikupljanje i deponovanje otpada. Nakon što je zaprimio prekršajni nalog, osoba inicijala P.S. je pristupila u prostorije Kantonalne uprave za inspekcijske poslove Kantona Sarajevo i izjavila da prekršajni nalog ne može platiti jer se radi o licu koje je u stanju socijalne potrebe, te da živi u šupi koja se nalazi pored odloženog otpada.

Nakon što je zaprimljena zastupnička inicijativa, ponovo je od strane kantonalnog komunalnog inspektora izvršen inspekcijski nadzor na navedenoj adresi i tom prilikom je konstatovano da je otpad (špere, gajbe i sl) s najmerom da se isti u toku zimskog periodu loži, deponovan i to u većim količinama.

U cilju uklanjanja deponovanog otpada, postupajući inspektor je donio Rješenje broj: UP-1-14-06-23.1-09969/19 od 13.11.2019. godine, kojim je KJKP "RAD" doo Sarajevo, naloženo da izvrši uklanjanje deponovanog otpada sa javne površine u ul. Nusreta Prohića do br. 20.

Dana 19.11.2019. godine, postupajući inspektor je sa policijskim službenikom iz PU Novi Grad prisustvovao izvršenju rješenja od strane KJKP "RAD" doo Sarajevo, kojom prilikom su radnici navedenog javnog preduzeća teškom mehanizacijom u potpunosti



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb


uklonili otpad sa javne površine, međutim dio deponovanog otpada koji se nalazi iza pomoćnih prostorija - šupe nije uklonjen iz razloga što se istom sa mehanizacijom nije moglo prići, te su radnici malu količinu uklonili ručno, dok je najveći dio otpada iza šupe ostao.

Inspekcijski nadzor na navedene okolnosti će se nastaviti, međutim u rješavanje navedenog problema potrebno je uključiti i druge institucije posebno KJU "Kantonalni centar za socijalni rad "Sarajevo, jer osoba koja vrši prikupljanje otpada živi u izrazito nehumanim uslovima i prema izjavi iste, bez ikakvih novčanih primanja.

S poštovanjem,

Dostaviti:

1. Predsjedavajućem Skupštine KS
2. Sekretaru Skupštine KS
3. Stručnoj službi Vlade KS
4. Arhiva



DIREKTOR

Fahir Halilović



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

